

Derweil der Sachsen zum aller-
 ersten in den Dänischen vnd Gottischen
 Schwedischen Historiē erwehnet wird/
 sol vns auch niemand leichtlich für vbel
 haben (ob wol der Sächsische Fürstenstam̄ aller-
 erst/ohngesehr ein hundert oder weniger jahr vor
 Christi Geburt/ Barones weiß/ wie breuchlich/
 kan an einander gehangen werden) daß dennoch
 auch solcher alten Geschichten vnd Thaten/ so von
 den Sachsen selbs keines weges gedichtet/sondern
 ihren Nachbarn/ den Dänen vnd Gotten/ für et-
 lich hundert jahren auffgezeichnet vnd publicirt
 worden/auch in diesem Außzug/ auß der Sächsi-
 schen Fürsten Chronica/ gedacht würdet.

Zur zeit Luzen/oder Ludwigen/des ersten die-
 ses Namens/Königs der Sachsen/ Nachdem sich
 dieses Volck der Sachsen ein gros theil albereit
 aus Holstein/vnd von der Elbe abbegeben/vnd ge-
 gen dem Rhein vnd See nider gelassen/ Also der
 Gallorum, so vber dem Rhein gewohnet/ Nach-
 barn gewesen/ haben die Francken/ so damals die-
 sen namen noch nicht gehabt/ Sondern ein Scy-
 thisch Volck gewesen/vnd noch in den Orientischen
 Landen gefessen/eine Botschafft zu denselbigen ge-
 schickt vnd gebeten/ sie wolten ihnen einen ort Ban-

Des